



10

15

20

欽定國朝詩

別裁集

禮部尚書臣沈德潛纂評

昭和平年二月一日
上海圖書館藏
寄贈

文 17
W 68

御製沈德潛選國朝詩別裁集序

沈德潛選國朝入詩而求
序以光其集德潛老矣且
以詩文受特達之知所請
宜無不允因進其書而粗

序一

010185193999

觀之列前茅者則錢謙益
諸人也不求朕序朕可以
不問既求朕序則千秋之
公論繫焉是不可以不辨
夫居本朝而妄思前明者
亂民也有國法存至身為

明朝達官而甘心復事本
朝者雖一時權宜草昧
構所不廢要知其人則非
人類也其詩自在聽之可
也選以冠本朝諸人則不
可在德潛則尤不可且詩

者何忠孝而已耳離忠孝
而言詩吾不知其為詩也
謙益諸人為忠乎為孝乎
德潛宜深知此義今之所
選非其宿昔言詩之道也
豈其老而耄荒子又不克
家門下士依草附木者流
無達大義具巨眼人捉刀
所為德潛不及細檢乎此
書出則德潛一生讀書之
名壞朕方為德潛惜之何
能阿所好而為之序又錢

序三
名世者

主考
所謂名教罪人是更不宜
入選而慎郡王則朕之姪
父也雖諸王自奏及朝廷
章疏署名此乃國家典制
然平時朕尚不忍名之德

潛本朝臣子豈宜直書其
名至於世次前後倒置者
益不可枚舉因命內廷翰
林為之精校去留俾重鋟
板以行於世所以栽培成
就德潛也所以終從德潛

序四

之請而為之序也

乾隆二十有六年歲在辛

巳仲冬月

御筆

凡列

詩之為道不外孔子教小子教伯魚數言

而其立言一歸於溫柔敦厚無古今一也

自陸士衡有緣情綺靡之語後人奉以為

宗波流滔滔夫而日遠矣與中體制各殊

要惟恐失溫柔敦厚之旨

本朝

御製詩如日月经天江河行地千百世當

奉全集爲準繩非臣子所敢選也錢牧齋
選明高帝以下諸帝詩失尊君之體矣茲
編不敢采入

三聖御詩別於牧齋選本

黃崑圃侍郎多藏北方學者詩玉遊汝上
舍多藏南方學者詩余從兩處和載而來
選中所收幾有十分之三餘皆逐漸徵取
鱗次投贈積久成多以供采擇然四方萬

國其邊徼之遠不能遍收也挂漏實繁不
無遺憾

國朝選本詩或尊重名位或藉爲交遊結
納不專論詩也陳檢討篋衍集較諸本爲
善然祇及康熙癸丑以下闕如茲補癸丑
後八十餘年詩而名位交遊之念不擾於
中此差可自信者

是選以詩存人不以人存詩蓋建豎功業

者重功業昌明理學者重理學詩特其餘
事也故有功業理學可傳而兼工韻語者
急采之否則人已不朽不復登其緒餘矣
觀者諒之

人必論定于身後蓋其人已爲古人則品
量與學植俱定否則或行或藏或醇或駁
未能遽定也集中采取雖前後不同均屬
已往之人

詩必原本性情關乎人倫日用及古今成
敗興壞之故者方爲可存所謂其言有物
也若一無關係徒辨浮華又或叫號撞搪
以出之非風人之指矣尤有甚者動作温
柔鄉語如王次回疑雨集之類最足害人
心術一概不存

詩不能離理然貴有理趣不貴下理語陶
淵明汲汲魯中叟彌縫使其淳聖人表章

六經二語足以盡之杜少陵江山如有待
花柳自無私天地化育萬物二語足以形
之邵康節詩直頭說盡有何與會至明儒
太極圈兒大先生帽子高真使人笑來也
選中近此類者俱從芟薙

唐詩蘊蓄宋詩發露蘊蓄則韻流言外發
露則意盡言中愚未嘗疑斥宋詩而趨向
舊在唐詩故所選風調音節俱近唐賢從

所尚也若樂府及四言有越唐人而竊攀

六代漢魏者所云雖不能至心嚮往之

詩人名下未詳生平者祇載其表字省分
郡邑與夫科目官位之有無若傳志可考
軼事可傳詩話可引或詳或畧輒綴評論
使讀者得其詩品并如遇其爲人

卷中有利目者一以科目之先後爲次無
科目者約以輩行之先後爲次

世祖十八年俱先科目而後詞人

聖祖六十一年若準此例恐輩行之先後

太相懸矣故三分二十科目詞人相間次

第之

世宗朝及

今上二十五年以前仍準

世祖朝之例

人之無名位者一生無他嗜好惟茲字字訖

疏於五字七字之中而忽焉相謝苟無人

焉表而章之入與詩歸無何有之鄉矣予

與同人遠近徵求志其生平聊存發潛聞

幽之意

閨閣詩前人諸選中多取風雲月露之詞

故青樓失行婦女每津津道之非所以垂

教也選本所錄固非賢媛有貞靜博洽可

上追班大家韋選母之遺風者宜發言為

詩均可維名教倫常之大而風格之高又其餘事也以尊詩品以端憲範誰曰不宜國初詩僧有棄儒而逃入禪學者詩自激昂頓挫錚錚有聲其後多習口頭禪說以偈為詩即有稍知向學者亦祇奉弘秀集一類為金針於源流升降茫然於中也廣為蒐羅共得四十三人中有能讀儒書通禪理者格外賞之

詩中有相沿誤用者如孤負之誤辜負李蒼蘓武書孤負陵心陵雖孤思杜詩孤負滄洲顛韓詩孤負平生志皆是也辜罪也與負疑丞之誤凝丞左輔右弼前疑後丞不協疑丞之誤凝丞疑謂高疑而問也疑字可蒼黃之誤倉皇北山詩勢反蒼黃反覆解文值吾南丞蒼黃分散州之數州闔之大蒼黃次豎宋人以後始有倉皇闔閣之誤闔闔史遷云身為闔閣之臣東向小門也二字不專屬之婦人又謂闔闔故云黃因老宋詩改為闔詩中宋以前宜闔爛漫之誤爛漫光熒賦說文

王萬等書匡襄之誤動勅匡襄猶贊襄也
 此無慢字之動勅杜牧詩燕士驚動勅昌
 黎有新師不牢動勅如向混為一
 誤認濫觴為末流家語孔子曰江始出于
 泛也觴酒杯也言初出微而下流始濫觴濫
 大也近人多以濫為爛以弊為傷矣清和
 為四月張衡歸田賦仲春之月時和氣清
 二月故下云芳州亦未歇後人有此類
 四月清和雨乍晴向矢卻絕字義矣此類
 不可枚舉他如委靡靡上聲百揆揆上聲字
 之類無平聲者誤讀平聲字雍字丈人

行行字冗長長字之類有兩音者物讀平

聲衛有漕邑平聲運漕之漕去聲雍和辟

輩行行之行去聲長短之聲行去聲朝請之請非上聲

宜讀去聲漢律春朝曰朝寧馨之寧非平

聲宜讀去聲張謂詩家無阿堵物門有寧

馨亦不可枚舉集中一一校正外間溺于

俗本轉以為論故一論列之

欽定國朝詩別裁集目次

禮部尚書 臣沈德潛纂評

卷一

慎郡王 蘊端德普

弘 曠 恒 仁 博爾都

塞爾赫 李 溼 楊思聖

魏喬介 魏象樞 趙 賓

李 霽 王紫綬 馮 溥

卷二

宋 琬	蔣 超	王 熙
宋 徵輿	鄧 旭	李 敬
繆 慧遠	曹 垂燦	沈 永令
施 閏章	季 開生	董 文驥
王 廣心	王 庭	周 體觀
盧 紘	周 茂源	許 纘曾
沈 荃	湯 斌	程 可則

卷三

曹 爾堪	顧 大申	王 士祿
金 漸皋	李 來泰	黎 士弘
王 士正	馮 雲驤	邱 象升
嚴 沆	汪 琬	

卷四

曹 申吉	劉 體仁	秦 松齡
閔 叙	王 揆	丁 澎

國朝詩別裁卷之二

王日藻 董含 彭襄

沈自南 王澤弘 陸鳴珂

方兆及 錢陸燦 計東

田茂遇 曹琬 章在茲

陳廷敬 鄒祗謨 高晔

李念茲 徐文烜 張一鵠

卷五

李天馥 孫一致 錢中諧

許虬 王又旦 嚴允肇

顧岱 徐元文 葉方藹

彭孫通 黃與堅 田雯

董俞 曹貞吉 崔華

趙灃

卷六

馬世俊 張玉書 葉映榴

孫蕙 吳光 王維埤

徐延壽 褚篆 趙士喆

劉獻廷 徐振方 沈道映

陸元輔 陸宗維 陸元泓

徐波 侯涵 劉逢源

吳兆寬 閔麟嗣 吳嘉紀

沈磐 蔣平階 李鄴嗣

王猷定 戴本孝

卷七

曾傳燦 蕭詩 毛會建

董以寧 陳子升 何嘉延

張可度 沈欽圻 梁逸

阮曼錫 陶徵 趙與楨

董閻 郁植 徐柯

文點 陳珏 陸進

朱爾邁 韓純玉 魏際瑞

王遵坦 朱徽 舒忠讜

陳恭尹 董道權 任元祥
柳文 夏熙臣 蔣注
吳祖命

卷八

姚文焱 吳綺 黃雲
宗元鼎 潘高 惲日初
方膏茂 張宸 路鶴徵
范超 柴紹炳 沈謙

虞黃昊 陸圻 毛先舒
張丹 陸嘉淑 郭襄圖
顧萬祺 盧元昌 吳渭生
吳夔 譚吉瑄 朱克生
俞南史 黃九河 王孫晉
韓畱 王邦畿 梅磊
錢曾 吳物榮 卓爾堪
黃埴 嚴我斯 周弘

曹禾 勞之辨 趙士麟
盛符升 劉煥嵩

卷九

方殿元 吳元龍 繆彤
張英 張玉裁 魏慶徵
汪懋麟 顏光敏 喬萊
方象瑛 陳玉璠 傅昂霄
徐乾學 王揆 王士祐

卷十

孟亮揆 李振裕 許孫荃
葉燮 盧道悅 顧貞觀
韓茨 王鴻緒 徐倬
李基和 徐元夢 成德
邵瓊 彭定求 胡曾恩
翁叔元 魏希徵 陳錫嘏
王頊齡 張榕端 王吉武

國朝詩川或集

六

高層雲 葉舒崇

卷十一

毛奇齡 李因篤 尤侗

陳維崧 嚴繩孫 龐塏

汪楫 朱彝尊

卷十二

潘耒 徐鉉 李澄中

徐嘉炎 陸萊 邱象隨

倪燦 袁佑 高詠

馮勗 王昊 鄧漢儀

孫枝蔚 盛楓 陳王猷

趙執信 李孚青 王材任

沈朝初

卷十三

梅庚 彭寧求 金德嘉

許汝霖 史夔 馬廷槐

周金然 王九齡 尤珍

吳苑 宋榮 高士奇

吳興祚 謝重輝 孔傳鏗

孔尚任 丁焯 吳秉謙

孫元恒 江閏 戴梓

孫寶侗

卷十四

周筥 俞場 顧有孝

顧樵 周筆 顧湄

許旭 王撰 王紘

王據 王曜升 王曾斌

袁啟旭 李良年 黃始

葉世全 惲格 佟世臨

陳維岳 鍾映淵 馬世傑

金侃 徐夜 丁耀亢

張寶居 張篤慶 錢柏齡

吳 磨

卷十五

吳 雯 馮 樾 楊 岱

劉 淑 頤 邵 長 蘅 張 宮

陸 次 雲 章 靜 宜 顧 景 星

汪 徵 遠 汪 洪 度 汪 洋 度

卷十六

彭 始 奮 陶 窳 查 容

潘 鏐 彭 桂 彭 樞

吳 之 振 崔 岱 齊 龐 鳴

周 穉 廉 洪 昇 毛 師 柱

陳 學 洙 李 國 宋 李 馥

史 騏 生 藍 啟 肅 馬 之 鵬

徐 元 正 汪 灝 施 何 牧

黃 庭 梁 佩 蘭 湯 右 曾

卷十七

唐孫華

田從典

趙俞

陶元淳

史申義

吳暲

徐賓

董思凝

孫致彌

張尚瑗

查昇

陳大章

陸寅

沈名孫

惠周揚

卷十八

陳鵬年

黃叔琳

高孝本

姚弘緒

程文正

姚士陞

顧圖河

呂頌恒

陳璋

張逸少

高其倬

佟法海

周起渭

焦袁熹

謝方琦

何梅

沈育

王焜

許遂

周士彬

嚴虞惇

姜宸英

卷十九

王士鋐

徐發

陳萇

宋聚業 鄂爾泰 張遠

魏坤 汪繹 張廷玉

楊汝穀 陸師 許迎年

楊守知 徐昂發 查嗣琛

徐永宣 蔡望 陳沂震

許湄 費洪學 劉師恕

卷二十

秦文超 黃任 陳處憲

王式丹 蔣廷錫 張自超

何焯 吳廷楨 吳瞻淇

章藻功 查慎行 陳至言

喻成龍 曹寅 揆叙

鈕琇 于養志 管掄

陶孚尹 張養重 沈受宏

陸韜 方登嶧 濮淙

卷二十一

楊賓 王戩 顧希喆

許潤 毛世楷 楊模

沈畛 沈鍾彥 沈紹姬

張衍懿 孫中岳 謝志發

姜實節 吳祖修 陳炳

文揆 李必恒 孫元衡

蔣景初 朱載震 陳于王

王丹林 顧嗣協 李寅

王錫 俞鼎 劉石齡

黃中堅 沈廉 翁荃

卜煥

卷二十二

劉青黎 王萃 吳士玉

嵇曾筠 俞允晟 蔣綱

鄭任鑰 喬崇烈 徐用錫

張麟書 繆沅 張大受

惠士奇	張照	秦道然
李紱	方式濟	呂謙恒
方覲	吳翊	

卷二十三

張景松	蔣仁錫	王時憲
黎志遠	王世琛	沈樹本
徐葆光	顧嗣立	杜詔
王圖炳	程夢星	舒大成

林佶	虞景星	任蘭枝
----	-----	-----

吳襄	唐建中	張梁
----	-----	----

謝遵王	顧陳垞	尤秉元
-----	-----	-----

張弘敏	吳廷華	
-----	-----	--

卷二十四

徐陶璋	凌如煥	余敏紳
-----	-----	-----

楊士凝	潘其燦	翁志琦
-----	-----	-----

張廷璐	鄭江	鄒升恒
-----	----	-----

宋照 王恪 王懋竑

吳家騏 萬邦榮 鄭世元

厲鶚 方正瑗 葉士寬

許建鏢

卷二十五

黃之雋 儲大文 謝道承

陸奎勳 柯煜 蔣恭棻

馬維翰 沈懋華 魯曾煜

李鉞 甘白懋 王恕

邵泰 儲雄文 蔣深

魏荔彤 王濤 李蓮

計默 湯準 徐善達

王汝驥 陳奕禧 郭元針

顧文淵 嚴啟煜 汪文桂

汪文柏 費錫琮 費錫璜

陳玉齋 徐蘭

卷二十六

沈用濟 毛張健 毛序

陳培脉 張錫祚 蔣廷鑑

殷譽慶 李嶠端 張元昇

夏弘 廖燕 劉祖敬

王文潛 黃河激 翁誥

吳之麟 先著 李崧

周龍藻 周在延 錢良擇

陸修 陳鍊 朱經

徐恪 顧紹敏

卷二十七

金志章 姚湘 邵錦潮

曹庭樞 陳祖范 繆日芭

潘果 尹會一 陶正中

徐以升 金鳳綸 王峻

李重華 俞荔 張鵬翀

曹鑾 劉青芝 吳履泰

曹一士 馬樸臣 張映斗

張一鳴 王時翔 賽音布

劉廷璣 蔣錫震 徐夔

鄭鉞 劉震 吳承泰

張安紘 徐洪鈞

卷二十八

朱奕恂 王景琦 侯銓

葉舒璐 宋樂 鄭玉珩

葉永年 方還 方朝

程鳴 顧我錡 周遠

朱厚章 謝芳連 孫宏

吳學瀛 劉正誼 曹煜曾

曹炳曾 曹煥曾 秦時昌

周瓚 劉宗霈 沈源

趙閔曉 周振采 王應奎

湯懋統 趙虹 王泌

陳倫 沈炯 程簡

蔡書升 余京 秦應陽

徐翔鷗 葉肇梓 汪紹焯

邵錫榮 錢錦城 安期

卷二十九

錢之青 張若需 包彬

倪承茂 鈕汝麒 舒瞻

張進 夢麟 孫貽武

吳榮 林明倫 張晄

張武 金義植 尤怡

江聲 周天藻 陳燦霖

陸文銘 李璧 馬長海

金縉 周京 方肇夔

繆宗儼 洪嘉植 朱瑄

周杭 俞玉局 翁格

陸倉培 殷再巡 華龍翔
劉瞻榕 馮嗣京 宋匡業
陳葉筠 張瑄 張嵩齡
程之鵠 席鎬 周孝學
李果 韓騏 高日新
馬位 程樊 蕭趙琰
汪天與 吳瞻泰 計元坊
徐志巖

卷三十

高述明 高斌 鮑鈔
李錯 陳景元 高岑
姚世鈺 姚世鈞 邵岷
謝淞洲 吳定璋 黃子雲
翁照 錢源來 楊濬
李進 過春山 周永銓
周準 盛錦 汪俊

朱受新 王大椿 李 勉

卷三十一

紀映淮 錢鳳綸 畢 著

章有湘 錢敬淑 吳 琪

吳 綃 侯懷風 吳 氏

倪仁吉 范 姝 熊 湄

柴靜儀 王 慧 徐 氏

張 氏 龐 畹 吳 永和

丁 瑜 張令儀 徐昭華

孫 淑 金 氏 彭 氏

王 煒 王瑤湘 朱柔則

張學典 張凌仙 顧 英

周淑媛 張 繁 沈樹榮

瑯琊女 葉 枋 侯承恩

薛 瓊 張 氏 倪瑞睿

林 寧 陳 佩 蔡 琬

方京 吳燮華 沈憲玉

楊珊珊 姚世鑑 姚益敬

周淑履 吳吳 錢紱惠

毛秀惠 許飛雲 許孟昭

許楚畹 陳奇芳 周巽

汪瑤 吳若華 宋凌雲

許權 尹瓊華 韓韞玉

楊克恭 金順 袁機

卷三十二 僧詩下

戒顯 止崑 南潛

實訥 顯謨 海邊

同揆 大燈 大瓠

函可 本源 大寧

成鷲 大成 海岳

天定 僧殘 趙遠

曉音 性休 德元

通岸

古裝

智朴

宗渭

源光

溥畹

元龍

大寧

元璟

睿

然修

岑霽

德亮

佛暘

德暉

超源

妙復

律然

元祚

明印

欽定國朝詩別裁集卷一

禮部尚書臣沈德潛纂評

慎郡王

紫瓊主人著有花間堂詩鈔。主勤政之假禮賢下士畫宗元

詩宗唐人品近河間東平而多能游藝又聞平所未聞也

蓮花



階砌羅群芳宛然如藻績照日相鮮新臨
風各向背盱眙忘憂子淡焉此靜對榮謝
寄流轉采色看迭代體茲造化心澤物恐

國朝詩別裁集卷一

不遠園丁汲井欄時時自灌溉

題雖灌溉花意在澤及

處物勝次正大于觸物處抒寫之

樵歌

不聞人聲但聞斧聲寂寂巖巒各丁丁飛
鳥驚得柴換酒醉歸踏月山歌清友木石
無衰樂白雲流水自朝暮萬山漠漠煙光

青起手八字寫盡空山伐木神理

月夜臺上聽友人彈琴

高臺夜色深月下聞清琴能使座中客俱
坐塵外心石泉瀉寒碧霜竹折孤音曲罷
長天靜忘言一整襟只為琴理不形容琴聲與常建江土琴典

清絕

村夜

旅舍燈猶在村人語漸稀山兼寒月靜葉
帶暗霜飛廐馬啣槽枥鄰鷄唱翠微煙霞
惹殘夢幽思滿柴扉

圓明園 名看煙火恭紀

銀漢星橋不動塵斜飛火鳳入勾陳一聲
雷起地中蟄萬樹花開天上春太乙高樓
燈似畫未央前殿月移輪 君主行樂新
年盛先使恩光遍近臣

雙徑

客去自掩閑林深鳥聲靜徘徊夕陽中秋
烟澹孤影秋烟五字如出賈長丘手

和均野寺

僧罷夕陽鐘客懷正孤絕山鳥下空林
曾啄茅簷雪五言絕唐人以古淡勝此又以清瘦見長

七夕

銀河脈脉渡雲軌未擬穿針倚畫屏獨向
闕階風露下夜深無語拜雙星

蘊端初名岳端字兼山號紅蘭主人安和親王子著有玉池生稿

主人禮賢下士郵枚之列時來座下嘗選郊島詩以示不棄寒瘦之意

其志趣可知矣

春郊晚眺次韵

長隄一望夕暉斜。芳樹枝枝待暮鴉。西嶺
 生雲捲作雨。東風無力不飛花。嬌鶯細轉
 留清晝。孤鶩徐飛帶晚霞。野客獨扶藜杖
 遠柳陰深處。覓漁家。清揚圓轉元人中在
 薛照磨宋子虛之間

題閨秀朱柔則寄外沈用濟畫卷

柳下柴門倚水隈。桃樹樹又花開。

夫婿無歸信。翻畫家山遠寄來。

德普字修菴號香松室主人封
真國公任宗人府右宗正

中秋無月

誰道秋雲薄。中宵掩桂輪。姮娥開鏡懶。愁
 絲倚樓人。于無情處寫情
 得唐人三昧

弘曠號思敬主人
任石宗人

值宿聞鳥夜啼

值宿霜寒夜。蟾光瓦欲流。啞啞聽鳥語。歷

歷數更籌已倦

龍樓穩能銷箸矢憂鷄

竿應有北計日下

皇州樂府解題聞鳥夜啼明當有赦

指宋元嘉時事也末一句本此

恒

仁

字月山原封輔國公以父失職并月山亦去公爵○乾隆甲子

歲月山以訥語來學授以唐詩正聲造詣日進吐屬皆山水之清音北方之詩人也丙寅冬子請假歸里送至江干明年還朝月山已沒矣詩零落存此二章志其大概

玉泉禪院

道人種松羅傍水開禪關春風吹不到白

雲相與閒偶尋林外約引我過前山倚杖

看奇石徘徊殊未還孟山人風格

南西門外即目

澄潭初月影微微雨過涼生透葛衣十里

龍蟠風兩岸藕花香送釣船歸

博爾都字問亭號東阜主人封輔國將軍著有問亭詩稿

送友之粵東

相送粵東去深憐客舍寒秋風摧木葉憶

爾下南安馬首五千里。猿聲十八灘。扶胥海口過。眼界倍教寬。

雁

零露冷汀洲。歸鴻度小樓。秋心齊喚起。不

止動邊愁

塞爾赫

字曉亭。封奉國將軍。任官兵部。侍郎。曉亭遇能詩人。雖樵夫。牧豎必屈已下之。因以詩為性命者。也。辨唐宋之分。如灑灑然。身後詩為大已氏所編。不免以中駟為上駟矣。知詩者惜之。有佳句云。一水明殘

照孤村入暮烟。宋朝南渡君。稱姪周。室東遷。帝是侯。忘其全篇。附錄于此。

荆卿墓

身入虎狼國。心空百二州。壯懷生死外。易

水古今流。白日淡將夕。行人去不留。墓傍

惟擊筑。寂寞野花秋。

有如此筆。方許。作荆卿墓詩。

白芍藥

珠簾入夜捲瓊鈎。謝女懷香倚玉樓。風暖

月明嬌欲墮。依稀殘夢在楊州。與無情有。恨何人見。

月明嬌欲墮。依稀殘夢在楊州。

月曉風清欲隨時
同一取題之神

李

澄

字鏡月江南興化人順治乙酉舉人著有敦好堂詩鈔

望羅浮歌

我聞博羅一山拔地起。邈絕霄漢橫蒼烟。
何年蓬萊卷石浮海至。丹梯翠棧相鈎連。
自注南越志山本蓬萊一小峰在海儋靈中自會稽浮住與羅山合而為一
窟宅萬古在。是為朱明耀真之洞天。其間
琪花瑤草。敞崖谷。碎訇鉦鼓鳴。層巖石樓

玲瓏。巖巒巖巖。鐵橋翠嶺。青真懸五嶺。迢遞
不得到。梅花村畔。魂夢牽。竭來道上聞玉
女指點。金支璇闕。虛無間。豐隆列缺。手劈
坤維。水簾千丈。海風倒吹。芳崖倩見。恠竹
啞聽。碧鷄更有。蛟蝶大於斗。五色灼爛。雌
雄飛下。與三茅通洞壑。上與列宿爭光輝。
吁嗟乎。羅浮之勝。有如此。只今相望。疑尺
咫。我欲移短筇。裹糧借諸子。手弄羅浮之

青霞口壓羅浮之石髓。伏虎巖前天樂鳴。
飛雲塔外狂歌起。三更峰頂見海日。滄溟
一片深紅紫。李白平生最好奇。浪傳失足
隨蒼耳。何似青鞵布襪萬里遊。矯首扶桑
接弱水。望羅浮。情無已。羅浮本仙人宮闕
寫此題自應有飛

仙之氣

登五老峰

潛霍岩巖冕。滂比倫。自注黃帝以潛霍二山
為南岳副漢武帝以衡

山巖遠方從南岳
之祭於廬山嵩山五峰拔起劈崑崙。泉流
峭壁虹蜺挂。石壓枯籐虎豹蹲。下界鴻濛
疑未闢。太空星漢欲高捫。讀書頭白匡山
後。惟爾青蒼萬古存。

楊思聖 字猶龍直隸鉅鹿人順治丙戌
進士官四川布政使著有且亭
集

入棧紀行

極望峰巒稠雲飛。常沒頂空翠露衣裳。墮

作澗溪影花鳥亂聽聞心眼細細領晴陽
射碧潭石齮碎光炯蒙籠艸成陰樹老身
戴瘦山鬼時一嘯蕭蕭毛髮冷前行隨後
行後嶺迷前嶺

暮投黃牛宿荒垣洩炊煙樹柵防虎過昏
黑燈火連旅食敢求餘寂寥性所便屋角
枕巨壑水石聲潺湲勞生畜物後憂心中
夜煎起坐當語誰仗劍淚潸然

棧雲易爲雨朝行蒙霧露厓樹架連橋奔
流澗石怒攀緣爭一隙時防馬足談山禽
鳴翠屏幽陰衆壑赴始知所歷高下見夜
來路壯懷在馳驅漫自賦感遇

客子悲遠道旅途未遑安整裝凌晨發帶
雨度柴關灘石相舂激雲生暗峰巒步滑
屢歎灰衣濕何時乾強顏慰僮僕談笑輕
波瀾中情默自傷何能駕羽翰

胎原少凌入蜀諸詩

而不襲

其而目

魏喬介 字石生直隸柏鄉人順治丙戌進士官至大學士補謚文毅著

有兼濟堂集。國朝諸大典牛屠

文毅奏議所定學宗朱子著有約言

錄知統錄諸書風節侃侃時

稱二魏謂公及敏果公也

薤露歌

波流湯湯逝不竭兮出日入月景不滅兮

人命無常遞相閱兮用意高於原碑

將歸操

河之水兮波洋洋我不濟兮非無梁迺車
東望涕沾裳

送宮紫玄歸廣陵

秋盡寒山出羈人不可留
劍光衝暮雨霜氣冷征裘
薊北黃金貴淮南桂樹幽
送君從此去濯足大江流

魏象樞 字環極山西蔚州人順治丙戌進士官至刑部尚書謚敏果

公為本朝直臣第一彈劾必匪人如余司仁劉顯貴程汝璞諸人是也

薦引必正人如湯文正陸清獻能
其二公是也任都御史時特命
察畿輔接除尤見風力歸田後書教
千卷外無長物嘗笑曰尚書門第秀
才家風又可
想其清節矣

哭友

昔年乍去身猶健昨夜空傷萬里魂
海上鯨魚驕白日庭前鵬鳥下黃昏
遺書暗灑孤臣血垂死仍銜故國恩
最是聖朝容直諫許君骸骨葬平原
此兼官海南設于戊所者

趙

賓

字錦帆河南陽武人順治丙戌進士著有學易菴詩

海口東李芳洲

積水流天外茫茫萬里秋
估船經島國潮響到城樓
浩蕩乾坤小奔騰日月浮
蓬萊君咫尺果否有滄洲

長安喜逢彭禹峰

湖海元龍氣未除雄心寂寞付樵漁
樽開北海新桑落膝抱南陽舊艸廬
個儻指揮

天下事亦華驅使古今書合香朝罷門庭
冷掃逕同君賦子虛

送孫九晚僉憲蜀中

畫省人空鳥畫啼使君持節漢江西曉亭
虎鬪驚鄉夢棧道蛇盤怯馬蹄荒服舊傳
臨井遠烽烟近報雪山低蠻方萬里歸王
會漫向甘泉說碧鷄虎鬪蛇盤十四字刻
畫寫之而一歸于穩

贈巢梅峰侯調旋里

此日聽歌國鐘風吹石片冷芙蓉河魚
曉進高堂膳蠟屐晴登少室峰十載還鄉
人老大三春伏枕夢從容草堂暫臥仍頭
出未許香醪醉菊松十載還鄉巢之旋里
也三春伏枕已之懷

巢也

李蔚字坦園直隸高陽人順治丙
戌進士官至大學士謚文勤

舟發浦城

地形下東南灘溜如箭疾客行衝霧雨扁

國朝詩集卷一
舟僅容膝。粼粼沙痕高。齒齒石峰密。礧礧
碍中流。鉅細狀非一。狹逼驚濤飛。深沸旋
渦溢。舟楫巧紆避。歛盪神先怵。篙師一失
手。勢與洪流汨。眩眼雜卉稠。送客奔崖峯。
駭竒豫初覽。過險怕縷述。乘流惟浮生。坎
止私願畢。

初發都門

六年東使舍所向。困局迫出郊。茲晨始豁

若焚籠釋望山。懷故樓遵途。感新陌回首。
魏闕高塵沙。黯將夕。微軀隨世。曷拮据事
行役。豈無四方志。悲與親愛隔。曠寂均苦
樂。浮生安所擇。起滅情無端。沉思莫能擲。
宗法選体不流入于
剽輕猶得謝公貴意

楓嶺

楓嶺與梨嶺。南北相拱揖。石脈固潛通。蟠
峙各獨立。林木互糾紛。亂峰森巖巖。其巖

荆閩浙風土。隔邗邑。躋岿俯絕谷。轉道僅
微級。凌空危橋滑。束澗鳴湍急。負擔盡滯
估。攀緣如蟻集。傷哉營微利。走險詎風習。
下見稻畦人。驚客舉簑笠。馳騫違所性。遄
迴增憂色。

喜晤孫星衡社丈述贈

昔判長安硤烽烟。障薊邱窮交。惟我在遠
道。為君愁。豈意三年別。同為萬里遊。晤言

如夢寐於邑。豈能訓通融氣

送楊賢甫副憲祀華嶽江瀆

聖代懷柔秩典章。首嚴岳瀆奠金方。中丞
暫假祠官節。宗伯親頒御府香。挺秀三
峰連漢峙。安瀾萬里下。矚塘新秋莫。訝無
暑。驛路風清白。簡霜

王紫綬字夢航河南祥符人順治丙戌
進士官翰林出為浙江糧儲道

著有知咫
堂詩集

送潘世衡內陟少宗伯

從龍仗策自關東江上頻行御史驄錢穀
暫煇肅相國儀文終藉叔孫通百年禮樂
方開闢一代車書欲混同天子垂裳問
民事入朝應奏未央宮

馮

溥

字孔傳山東臨朐人順治丁亥進士官至大學士謚文毅○文毅力薦魏琿極為名臣在閣不諛隨不矯激詩以雅正為主不爭長于字句之間

漢文帝幸代圖

漢帝當年歌大風歡留父老樂螭螭誰知
將相和調後更有君王賞識同每飯未嘗
忘鉅鹿故居猶是念新豐旌旗十萬雲中
駕休擬登臺出塞雄從高帝歌風一氣直下第六語又復回環

結意見異於武帝之權武此種篇法惟少陵有此變化入神

宋

琬字玉叔山東萊陽人順治丁亥進士官浙江按察使著有安雅

集堂

先大夫諱曰

墜葉豈更榮。流波無重回。哀哀古孝子。痛
 哭嗟煢。鬢鬢余少薄。枯賦無凌雲。才側聞
 過庭訓。愛惜如瓊瑰。弱齡把鉛槧。慈顏為
 之開。乾坤當百六。梁木忽然摧。譬彼玄鳥
 雛。巢傾雕梁災。譬彼松下草。霜落成枯萎。
 自我歌鮮民。星紀凡屢該。况乃忝符節。隴
 山崔以巍。松阡渺何處。莫剪蒿與萊。飄蕭

生素髮。膝下無嬰孩。緬想夜臺內。惻惻傷
 其懷。誓言守遺教。敢令官方乖。庶以清白
 風。稍酬罔極哀。
敘述生平而誓守庭訓以
 肅官方是能遺親以令名

者知循吏
 即是孝子

贈蜀中李鵬海進士

昔君射策明光宮。騰驥燕市驂。騶空誰遣
 妖星逼。天闕鼎湖竟。墜烏號弓。小臣攀髯
 死未得。重繭萬里還。鄉國劍閣差。峨戰血

腥豺狼竊據昏巴夔八口淒涼何所歸窮
途邠免寒與飢長鏡作伴拾橡栗短褐不
完歌采薇清渭灘頭釣魴鯉誅莠結崖將
已矣亭邊呼止故將軍驢背誰知前進士
青鞵竹笠秦川來登高懷古義皇臺酒酣
拔劍鸚鵡舞夢回巫峽秋猿哀達人自古
嗟飄蕩鼓刀而屠太公望 天子宵衣問
隱淪徵書且夕璠溪上鵬海歸於蜀亂之
後於長行也作詩

以憐憫而
慰勞之

從軍行送王五門之大梁

有客有客鬚而紫左挾秦弓右吳矢自言
家本關中豪黃金散盡來江沔年來倦上
仲宣樓裏糧且訪侯嬴里腰間七首徐夫
人河畔荒邱魏公子懸知弔古有深愁慷
慨登車不可止自從盜決黃河奔大梁未
有千家村烽火但增新戰壘塵沙無復古

夷門短衣聊向將軍幕長劍終酬國士恩
落日驅車臨廣武春風試馬出鞞轅大夫
佩印乃恒稟安能鬱々老邱樊王郎顧我
深歎息一見歡喜如舊識此行不但爲封
侯人生貴在抒胸臆江上楊花白雪飛梁
園芳艸青袍色盾鼻猶堪試彩毫鶯聲聊
爲停珠勒醉後狂歌氣若雲軍中教戰容
如墨春風拂地車斑斑起看明月攬刁環

平臺賓客久零落至今汴水空滉漾憐子
偃蹇風塵際年來磨折凋朱顏已知苦被
雕蟲誤強弩欲挽不可閑待爾他年分虎
竹相從射獵終南山

棧道平歌爲賈膠侯尚書作

君不見見梁州之谷斜與褒中有棧道干雲
霄仰手可以捫東井下臨長江浩汗洶波
濤大禹胼胝恐未到帝遣五丁開神臯巨

靈運斧地維圻然後南通巴蜀西羌影地
盤縈紆六百里千迴萬曲綠秋毫懸車束
馬弗可以徑度飛騰絕壁愁猿獠漢家留
侯真婦女烈火一炬噓徒勞噫嘻乎三秦
之人困征戍軍書盈午如蝟毛銜枚荷戈
戟轉粟窮脂膏估客爾何來萬里競錐刀
須臾矣足幾千倂猛虎蝮蛇恣食蠶出險
灑酒始相賀燐燐鬼火聞呼號泰運開尚

書來思如雨露威風雷一呼集春鏞再呼
伐薪柴醇醑澆山萬夫發坐看巉巖削盡
為平埃噫嘻乎益烈山澤四千歲火攻莫
救蒼生災昔也商旅魚貫行今也不憂狼
與豺昔也單車不得上今也康莊之途足
以走連葦藜童巴舞貢天府桃笙賓布輸
叩嶽歌函風擊土鼓賈父之來何晚哉豐
功奕奕垂萬禩經濟不數韋皋才中朝衣

衣待公補瓊瑤在手平泰階西望劍閣高
崖巍側身欲往空徘徊大書深刻告來世
蛟龍及業磨青崖金穿石泐陵谷徙我公
之功不與伏波銅柱同塵埋賈中丞名漢復平險為夷

因作歌以頌之歌勒於觀音碣崖石上

喜表弟董樵書呈

數枉山中信江湖問逐臣憐子常作客知
爾尚依人刀俎驚前夢漁篋老此身故園

風俗薄猶有葛天民

馮唐暮

馮公昔未遇執戟歎淹留一薦雲中守能
寬漢主憂古碑荒蘚合高柳暮鴉秋自笑
為郎拙蕭蕭欲白頭

送傅介侯督餉寧夏

賀蘭西望鬱嵯峨使者乘春攬轡過三輔
征輸何日盡二陵風雨至今多邊城楊柳

樓中節羌女葡萄塞下歌君到坐傳青海
箭不妨草檄倚瑠玕七子遺響
尤近滄溟

夏瑗公先生廿載淺土門人盛珍示
卜地葬之以其夫人祔焉詩以誌

美

幾年松檟缺經營負土荒原賴友生尊賊
國殤哀翟義竟無傭保休王成月明大鳥
來華表劍合雙龍捲素旌二陸冤魂應共

語雲車風馬笑相迎使事典切六語見夫
人祔葬結但取免魂

及同為雲間人意機雲
身分地位不必同也

賀曾庭聞舉孝廉庭聞江右人
易名中秦榜

誰言才子竟蹉跎天馬西來萬里過各姓
在秦張祿貴文章入洛陸機多漢廷佇奏
凌雲筆羌笛爭傳出寒歌隴上梅花憑驛
使好將雙鯉下黃河

同東雲雛王心古諸君登華山雲臺

峰

丹梯千仞倚嵯峨萬轉盤紆出薜蘿
少華西來朝白帝太行東望走黃河
欲從玉女窺蓮井須向仙人借斧柯
樸被同君星漢外方知天上白榆多

華嶽

遙遙青黛削芙蓉此日登臨落雁峰
霄漢何人騎白鹿天門有路跨蒼龍
流沙弱水

真杯勺太白終南盡附庸
卻憶巨靈開闢日神功
豪驚費陶鑄

松風謾謾步虛聲杖策高尋衛叔卿
星近祠壇光欲隱月臨仙掌夜偏明
扶桑萬里天鷄曙箭括三更石馬鳴
誰信揚雄擅詞賦不將絲筆記層城
舉頭天外幾許落墨不愧五岳起方寸語
報唐采臣戶部時自寧夏還朝

使君書札勸加餐又報征車發賀蘭
秦地

關山留庾信。漢家臨鐵關。極寬飛鴻夜。度
朱弦冷。邊馬長嘶。白草寒遼客。隴頭憔悴
甚。故人傳語到長安。

登西嶽廟高壽閣

崔嵬傑閣王爲寮。白帝離宮倚絳霄。檻外
河山三輔小。巖前觴豆百靈朝。明星環佩
雲來濕。仙掌芙蓉雨欲搖。會御長風凌絕
巔。青鸞背上衣吹蕭。

鸚鵡

雕籠萬異托征鞍。辛苦何辭行路難。幽閣
恰添嬌女伴。方音猶作部民看。且分薄俸
供秔稻。莫遣春風瘁羽翰。流水隴頭相憶
否。朔雲邊月不勝寒。

送張蔚生明府之任劍州

棧閣崔嵬涪水西。芙蓉十二與雲齊。幾年
漢使迷金馬。萬里江流見石犀。講學文翁

今再觀勒銘張載有新題相思愁殺我眉
月山木蒼蒼杜宇啼

九日同姜如農王西樵程穆倩諸君

登慧光閣

塞鴻猶未。到蕪城。載酒登樓。雨乍晴。山色
淺深。隨夕照。江流日夜變。秋聲上方鐘磬
疎林滿。十里笙歌畫舫明。空負黃花羞短
髮。寒衣三翰客。心驚馬蹏。悲壯

刀魚

銀花爛漫委筠管。錦帶吳鈎總擅長。千載
專諸留俠骨。至今七箸尚飛霜。

舟中見獵犬有感

秋水蘆花一片明。難同鷹隼共功名。橫邊
飽飯垂頭睡也似。英雄髀肉生。

蔣

超 字虎臣 江南金壇人 順治丁亥
賜進士 第三入官翰林院編

修著有 綴菴集

金陵舊院

錦繡歌殘翠黛塵樓臺已盡曲池溼荒園
一種瓢兒菜獨占秦淮舊日春

極濃麗地
偏寫得荒涼如許感
慨係之

文殊院

紫玉屏風敞佛慈諸峰如笏上青天偶來
山寺空無主驚起白猿松際眠

王熙字子雍直隸宛平人順治丁人
進士官至大學士謚文靖一

春日菟從南海士觀大菟

上苑回春馭傳呼夜漏催六龍雲裏下八
陣日邊開細州鳴鸞地雄風買駭臺應知
一宸算遠不為諂我來

宋徵輿字轅文江南華亭人順治
丁亥進士官至副都御史

參軍行

檀州軍敗沛南陷鐵騎西山逼雲棧九門
辛苦坐公卿按兵不動有高監玉堂美人

胡不平。上書北闕苦論兵。參軍新命一朝下。單騎夜出長安城。是時主將盧司馬。獨將西兵兵力寡。不教國士死黃沙。別遣參軍向城下。參軍不行。司馬嘆參軍。既行軍伍陳。北向再拜謝。至尊曰。臣象昇死。國恩鼓聲聞。闐軍出壘。司馬一呼。劍者起二萬。邊兵夜合圍。孤軍雖勝。終歸死。朝廷頗輕死事功。翻疑訟疏多。雷同司馬幾受斷棺。

慘。參軍一官。成轉達。嗚呼。權臣報復有如此。

此疆場。誰肯擔孤忠。此紀賈莊之敗也。高監名起。潛參軍楊廷

驍騎。樞輔楊嗣昌。嫉盧忠烈。正直不與。援兵高起。落擒兵坐視。忠烈與大軍戰。

重創死。論曰。以降又誣以遁。幾至斷。信廷驍力。其究得免。忠佞顛倒。如此。

明社所以厚也。後參軍亦以守城死。

下灘

孤舟瀉石灘。雙槳下雲端。浪湧分花落。濤驚渡雪寒。亂山管曲向飛渡。却迴看千里。

無諸國天南自鬱盤一翅如觀已

百意

碧手堂西紅粉樓樓中思婦憶涼州咸陽
橋上三年夢回樂峰前萬里愁秦地烟花
明月夜胡天沙草白雲秋離魂不識金微
路願逐交河水北流臨似楊升菴
冬間夜怨
落盡飛雲暮色寒黃昏北斗照闌干可憐

一片如霜月惟有深閨獨自看

鄧

集詩

旭字元照江南壽州人順治丁亥
進上官翰林院檢討著有林屋

錢塘看潮

夜發富春江午纜錢塘岸不見當時射潮
者天際煙波空浩瀚須臾海門走足練白
虹蜿蜒吐長綫漸看蒼背負山來洶漫填
令天地變龍吹笛鼉擊鼓馮夷天吳江上

舞萬斛船。如敗葉。怒濤一捲。送平浦。伊
昔惟聞東流之水。無盡期。沃焦瀕洞。爲漏
卮。云何已逝。寧而有還。源時應是。伍胥文
種恨不滅。無路吸天氣。填咽故教。雪浪排
長空。古今嘘吸無時絕。

贈鳳凰山咸菴禪丈菴名鳳巢

萬綠藏深壑。苔龕路幾層。側身同蟻進。牽
臂學猿騰。累重緣留髮。樓幽欲妬僧。半生

遲引退。應悔鑿春冰。

李

敬字聖一江南六合人順治丁亥進士官刑部侍郎

清明泊瓜步阻雨

愁思如芳草。春程不斷生。停雲連野色。過
雨挾江聲。瓜步新添水。清明遠送行。強從
吳客語。歸計羨朱楊。停雲十字漁洋賞之謂其不減古人
讀水經注懷洞庭

坐倚巴工俯洞庭。君山一十二峰青。不聞

修竹來仙吹，但有孤鴻送客艖。欲辨水天
惟北斗，若當風雨即南溟。舊遊浩渺如春
夢，兀看酈元注水經。

繆慧遠

字子長，江南吳縣人。順治丁亥進士官壽陽知縣。○經義推巨

手韵語亦復雅健雄深

雉子斑

雉子斑兮其羽煌煌，雄雌朝飛阡陌相將。
十步一啄，載飛載藏。誰爲旣樞，骸負不

南山媒翳北山羅，張樊籠既入形容無光。
恭承嘉惠，食以稻粱。爾雖小物，耿介莫當。
局促一世，生不如亡。微命旣釋，感恩未央。
遲遲春日，膏澤徜徉。願同黃雀，銜環君旁。

友人過訪

葺城愁絕各風煙，傾倒今朝倍黯然。坐上
清歌聞子夜，人生行樂及丁年。三春會面
常多阻，百罰深杯且共傳。舊事淒涼言未

畫簷花落久雨織綿

曹華燦字天祺江南上海人順治丁亥進士官遂安知縣

插秧詞

桔槔未動商羊舞老農出社迎貓虎薰風
靈雨及時來秧水齊添土膏騰針苗剪剪
綠初齊如卦行行立盼畦隴畔柳濃斜挂
笠農歌聲裡鶉鳩啼負辰至午不停手厨
下炊羹並剪佳老翁提盃餉田間甕中更

有新篘酒日晚水田聚糾笠移時火藕農
功急寄語食租衣稅家莫忘辛苦盤中粒

如卦句所謂
立苗欲疏也

沈永令

字開人江南吳江人順治戊子
副榜官高陵知縣○初知韓城
縣時湯文正為潼關道以循良重之
其政治可知也詩亦宗仰唐人不染
習氣

再次淮上對月

半年沙塞月今夜映長淮砧杵深閨夢闌

山旅客懷遙知燈下敲斷髮邊鈿何日

花前影清光共玉階今夜鄜州目念閨中之懷遠此寫客中之

念家境地相
同深情宛合

咸陽寓中

老應甘棄世壯已不如人楚越燕秦路東
西南壯身鏡中俱是雪塞外不知春何日
滄江返磯頭穩釣綸

秦中

深秋沙草馬長嘶塞柳千條覆曲隄水溶
渭流誰派合天圍華嶽萬峰低舊遊金谷
雲烟散故國銅駝荆棘迷紫氣近來東望
滿函關何用一丸泥顯茂倫稱此詩沉雄
現處可追盛唐其氣

象然也下
章亦然

登華

歷歷星辰尺五懸洮雲隴樹望相連天高
西北長空畫勢控燕秦大地偏煙棧一丸

關百二河流如綫路三千此身托足知何處仙掌擎來霄漢邊

分水龍王廟

南為吳水北燕雲結伴登臨喜得群七十
二泉從此合三千餘路恰平分安瀾已下
東封詔沉璧無煩妙檄文惟有仲宣行役
苦登樓久已悔從軍前汶水合七十二泉
南北以利轉漕此未禮從自
之水注於南耳平分
煥之義也三四語真寫得盡

贈樂菴禪師

師為楚嘉魚人天啟乙丑進士筮
仕吳令晉吏垣崇禎壬癸間建言
廷杖詔獄滄桑後遂為僧康熙乙
卯駐錫江城距作令時閱五十寒
暑矣永令以昔年童子受知門下
感賦是詩

浮生閱盡幾滄桑獨臥寒雲擁竹床百鍊

身猶餘鐵石萬言字尚披風霜列朝文獻
 徵遺史一代天龍護法王士女爭來瞻瑞
 相使君故是宰河陽葉菴即熊開元也以
 彈周延儒廷杖後為
僧門下士感既
 賦之如讀本傳

國朝詩別裁集卷一終

欽定國朝詩別裁集卷二

禮部尚書臣沈德潛纂評

一施閏章

字尚白江南宣城人順治己丑

召計博學宏辭官翰林院侍講著有
 愚山詩集○南苑址宋故廡抗行今
 就兩家論之朱以雄健磊落勝施以
 溫柔敦厚勝又各自擅場○王漁洋
 云門人洪昉思問詩法于愚山愚山
 曰子師言詩如華嚴樓閣彈指即現
 又如五城十二樓縹緲俱在天際余
 則警作室者銜覽木石一俱就平
 地築起洪曰此禪宗頓漸義也
 今觀兩家詩此論確不可易

警志詩

洋洋景運六轡徂。爾征爾邁不我眷留。
維帝賚子靡德不具。既具既完逝不我顧。
拾穗雖利不如躬耕。束炬夜馳不如早行。
臨爭腐鼠鳳餐竹食。翔視千仞下罕籬匹。
懿我祖考爭道策驥。腹我目我遑敢贖墜。
昔遊東魯攝衣孔庭。俯仰瞻聽實適儀型。
匪哀匪慕泣涕如雨。愴如亡子初見父母。

軌臻回賜文企姬秦。不慙爝火持照千春。
隕霜警木世難厲德。懷璧負途智士不惑。
授則穴果獺則祭魚。誰為令人不勤是圖。
皇皇朝夕望睿心慄。如岸斯崩如虎將噬。
再苦抱疴顏不待耆。敬爾良時并宵作書。
步步實踐歸重下學不
落宋人塵腐是日詩品

升天行

丹鳳一雙乘雲上翔。俯視八極中路徬徨。

鮮一下土小臣心思太古言叩天門手擊天

鼓雷雨晝迷鮮二噤不得語鮮二天閭高高高不

可即但見群仙玉女侍側貨財千億鮮三黃金

既成貨財千億後使鬼神鮮四小臣昧死頓首

言天闕清虛安用貨財千萬億願鮮五下土

小民依衣食鮮六仙人持節問汝何所求小

臣不願富貴願假赤螭遊戲十洲山無崩

徙河海安流天子萬年兵革罷小臣魯鈍

但當貧賤長優游鮮七

浮萍兔絲篇

李將軍言部曲嘗掠人妻既數年

携之南征值其故夫一見慟絕問

其夫已納新婦則兵之故妻也鮮八

人皆大哭各反其妻而去予為作

浮萍兔絲篇

浮萍寄洪波飄飄東復西兔絲附喬柯

晨復離披。兔絲。既有日浮萍。合有時浮萍。
語。兔絲。離合。安可知。健兒東南征。馬上傾
城姿。輕羅。作障面。顧盼生光儀。故夫從旁
窺。拭目驚且疑。長跪問健兒。毋乃賤子妻。
賤子分已斷。買婦商山陲。但願一相見。永
訣從此辭。相見肝腸絕。健兒心。尔悲自言
亦有婦。商山生別離。我成十餘載。不知從
阿誰。爾婦既我鄉。便可會路岐。寧知商山

婦復向健兒啼。本執君箕為棄我。忽如遺
黃雀。從鳥飛。比翼長。參差雄飛。占新巢。雌
伏思舊枝。兩雄相顧。詫各自還。其雌雄。雄
一時。合。雙淚沾裳衣。狀古來未有情事。以
樂府讀可也。無書無
筆人不敢道一字

過鞏嶺

崇岡陟峻嶺。鳥道繞山腹。仰探白日。俯
瞰陰霞。伏魚貫。度行人疲。馬蹶躑躅。春晴

多好風吹我巖壑綠。農畊嶺上雲。婦飯溪中犢。羈心曠登陟。瘠土見風俗。華陽靈蹟閱杖策尋石屋。

早春三天洞至仙人巖

寒巖歛衆妙。惠風蕩疎木。洞穴無人居。玲瓏闢華屋。春陰香乳流。谷溫瑤草綠。出戶見前峰。重雲無斷續。乘興復杖藜。行歌散煩促。古樹含丹葩。餘雪長靈瀑。僧扉整巖

山人采白入深竹。采真客安往。悵望空山曲。

臨江閏旱

瘠土嗟薄獲。歲豐長恐飽。戎馬况疊跡。田園成路蹊。荷鋤代牛力。播種良苦瘵。朱火肆燎原。禾稗同一萎。民亂如恐後。况乃驅策為徒跣。呼百神。嗚咽致我辭。政拙未敢苟。名災今則誰。雲漢何皎滯。箕斗正參差。心知閭闔遠。側向高天啼。明日急芻蕘。春

聲重涕洟

誠豐長志即所云樂歲終身苦也防民亂懼台公呼天而訴

如讀雲漢止月諸哀雅

悲野雀

行經沂州有餉鶴鴿者哀其義不忍食或曰州人捕雀為業嗟乎蕪田不耕羅及野雀作詩示州人

粉榆繁羽族瑣細無定名所謀非稻粱不與鷄鶩爭張羅始何日遂使風俗成積弊

盡掩覆一羅截群生持此飲啄其克壽也相烹苦慙託體微不足一杯羹同類為秋失侶長哀鳴君較筵上著請聽簷外聲

讀末二語難老號亦應動心

祀蠶娘

華燈白粥陳椒粿田家兒女祀蠶娘願刻繡裙與娘着使我紅蠶堆滿箔他家織練裁羅襦妾家賣絲充官租餘作即衣及兒

襖家貧租重。還有無蠶時。桑遠行多。露路好。
傍門前種桑樹。此張王樂府詩。見性情之正。

牽船夫行

十八灘頭石齒齒。百尺青繩可憐子。赤脚
短衣半在腰。裹飯寒亦攜江水。北來鐵騎
盡乘船。灘峻船從石窟穿。鷄豬牛酒不論
數。連檣動索千夫牽。縣官懼罪急如火。預
點民夫向江坐。拘留古廟等羈囚。兵來不

來創殺我沿江。沙石多崩。峭引臂如猿。爭
叫嘯。秋冬水澀。春漲湍。渚穴蛟龍岸。虎豹
伐鼓鳴。鑿畫檻。飛陽侯。起立江娥笑。不辭
辛苦為君行。挺從鞭驅半死生。君看死者
伴江側。火伴何人敢哭聲。自從仗波下南
粵。蠻江多少人流血。繩牽不斷腸。斷絕流
水無情亦嗚咽。末幅歸咎新息真無可奈何之辭。

岩前峰

危峰矗立鼓山頂。目盡閩天萬山影。磨崖
上有紫陽書。光芒倒射扶桑冷。雙江會合
蛟龍遊。三山滅沒入煙浮。島嶼東看入海
氣空青。一髮指琉球。洪濤忽起天地動。羲
和返駕寒雲愁。吁嗟乎。白日苦短青鬢已
斑。天風何冷冷。吹我骨珊珊。念欲乘風揮
手去。八表萬里何當還。鸞駉駉良不遠。
鯨吞蟻鬪誰能聞。回首大笑哀人間。

射鳥樓行

自注爲周標
園先生紀事

越王城邊鳥啞啞。射鳥樓頭鳥不下。周侯
破寇此城頭。到今殺氣城烏愁。先皇丙
申歲七月寇來海畔。盈山邱疾如長鯨吞
巨舟。城中號哭聲啾啾。侯方解官醜。吏議
推守要害來。鳥樓抗言立功。酒宿將使貪
使過皆保障。中有健手王老虎。臨陣摧鋒
氣偏壯。群凶爭踞豹頭山。咫尺鳥樓正相

同蟻附蜂屯頃刻。問何人敢立女牆上。周侯清瀟決戎機。誓師慷慨裏鐵衣。指顧中堅發大礮。頃刻萬骨黃塵飛。紫袍戎首正糜爛。一軍氣盡輿戶歸。總戎援兵適繼至。三山是日鮮重圍。當途方略固多有。功成乃出開官手。烽煙既息烏樓空。烏樓壯績在人口。他年再集頭白烏。射烏還有周侯無。紀事詩不嫌詳盡此覺勃勃有生

亂後和劉文伯郊行

斜日照荒野。亂山橫白雲。到家成遠客。訪舊指新墳。戰地冤魂語。空村畫角聞。相看皆隨淚。風葉自紛紛。

慈仁寺松

直欲凌風去。翻從拂地看。摧殘經百折。偃仰鬱千盤。老闌山河變。陰兼日月寒。支離爾何意。不獸卧長安。

谿漲

谿漲全無岸。沙田又可哀。舟航浮郡郭。行
漢冒樓臺。過雨重雲黑。奔雷動地迴。蛟龍
橫得意。白日向人來。

懷侯韓振藍山

貧苦日相共。宦遊天一涯。有官真似水。無
夢不還家。五嶺來山瘴。孤城接塞笳。別離
春已暮。心緒若何華。

舟中立秋

垂老畏聞秋。年光逐水流。陰雲沈岸草。急
雨亂離舟。時事詩書拙。軍儲嶺海愁。海飢
今有歲。倚棹望西疇。

叔父同弟阮遲予蕪關次日子址發
小泊聚江干。帆開淚未乾。路長催老易。家
近恨歸難。長大看吾弟。浮沉付一官。今宵
渾不寐。倍覺夜漫漫。
家近難歸老於宦途
者知之神明社陵乃

有此種

錢塘觀潮

海色雨中開。濤飛江上臺。聲驅千騎疾。氣捲萬山來。絕岸愁傾覆。輕舟故溯洄。鷗夷有遺恨。終古使人哀。
氣捲萬山來 五字千古

顧寧人關中書至

舊蹟滿西京。高談就友生。書曾搜孔壁。詩已繼秦聲。多難餘身健。新編計日成。別來

頭並白。遠望不勝情。

過湖北山家

路回臨石岫。樹老出墻根。野水合諸澗。桃花成一村。呼鷄過籬柳。行酒盡兒孫。老矣吾將隱。前峰恰對門。
野水十字令。橫松年亦不能盡。唐人詩有

雨後

歸田復多病。寒雨送三春。高柳不藏閣。流

鶯。解。就。入。道。心。看。物。變。時。論。薄。官。貧。無。限。
扁。舟。意。澄。江。滿。綠。蘋。三四不讓劉隨州魚
洋取愚山五言近體

為摘句圖為
學者式也

淳湖尋邢景之

四。海。倦。遊。後。始。知。返。愛。非。寸。心。如。落。木。逢。
爾。復。春。暉。移。標。連。蔬。圃。烹。魚。出。釣。磯。清。歡。
成。信。宿。不。是。醉。忘。歸。

江行雜詠

鼓。柁。隨。漁。父。乘。槎。老。客。星。鶯。聲。花。嶼。暖。龍。
氣。雨。潭。腥。波。綠。澄。湘。浦。天。青。合。洞。庭。誰。知。
漁。子。飯。絕。勝。五。侯。鯖。

望衡嶽

衡。山。絕。頂。祝。融。峰。獨。峙。天。南。抗。岱。宗。水。國。
風。雷。虛。岫。出。炎。方。冰。雪。半。巖。封。斜。陽。欲。辨。
煙。中。樹。昨。夜。遙。聞。岳。麓。鐘。好。駐。星。輅。看。日。
出。即。翻。雲。海。盪。心。胸。

登岱

日觀晴光傍午開。茫茫東見海為杯。九州積氣峰前合。萬里浮雲杖底來。鄒魯山靈真莽蕩。吳閭練影漫徘徊。崑崙不到終遺憾。欲駕蒼龍首重回。

見宋荔裳遺詩。凄然有作。目注君接。

直蜀反道。硬憂悽死。

好客生平酒不空。高歌零落痛無窮。西川

終古流殘淚。東海從今少大風。國士魂銷

多難後。離人三斷九原中。張堪妻子應誰

託。巢卵長拋虎豹叢。西川句謂蜀人懷其

失一雜宗也。王漁洋有久不得荔裳妻孥消息詩中云九原悲馬鬣。人口寄語。此篇統語亦復云然。猶見古交道焉。張堪卒於官無託妻孥事。此幼略語。

至南旺

客倦南來路。河分向北流。明朝望鄉淚。流

不到江頭過南旺分水水俱向北辰滴水

送李萬安罷官歸里

歲暮歸舟一葉輕歌殘酒罷淚雙傾灘声

不是無情思嗚咽隨君為送行

○季開生

字天中江南泰興人順治己丑進士官給事中著有出閔草

尚陽堡即事口號

新燒懸崖淨積冰遠隨甲騎渡柴河虎頭
在客休投筆鷄肋從軍漫荷戈骨肉書傳

邊塞少林泉話入故園多邊城老將秋霜

下夜半聞笳起自歌

五雲長繞舊皇畿萬里孤臣青翠微極塞

有山皆北向重邊無水不西歸鷄鳴夢訝

參朝晚鳥情心傷進膳違寧惜乳乳沙雁

影陽回未得入閑飛

忠孝之人其言請如

送左大來先生葬

重関不禁旅魂過夢裏看君渡塞河白日

總悲生事少黃泉翻羨故人多荒臺啼鳥

園松柏廢苑寒雲鎖薜蘿未遂首丘願淺

葬好留枯骨待息波宋韓文時異靈均死亦難以死為幸此云

黃泉翻羨故人多以死為樂皆刺骨入髓語

○董文驥字玉虬江南武進人順治己丑進士官侍御著有徵泉閣集

真定客舍對雪

窮陰滿太虛積雪凍庭除鴉點埋雲樹童

依宿火厨君恩孤白厚老病酒杯疎江

國寒梅早垂垂已待予紙土俱有寒意

復過井陘口淮陰侯廟

背水千年廟登壇百戰功至今思赤幟何

處弔藏弓春雨王孫草靈風古木叢淮陰

年少子終自笑英雄漁洋極稱五

庚戌元日移家惠山舟中作

東風自信片帆斜百里鄉園路豈賒愛聽

山泉因煮薺並驅雞犬是移家未聞春樹

來檣燕已見寒梅笑岸花萬國朝正看北
極十年拂霧馬歎沙

去年元日棄孤臣。趙北燕南滯病身。八口

一舟遷易散。自注家先歸吳山楚水信難真。即

携妻子還疑夢。高卧江湖又早春。只恐鶯

花饒笑我拂衣斑。鬢已如銀

十月初六發榆中夜抵魚河驛

振野涼沙撲馬飛。孟冬絕塞已風威。王程

中夜魚河宿。客路衝寒虎節歸。邊月黑時

防失道。胡霜白處欲侵衣。南州此夕微暄

暖。滅燭聽鳴坐竹扉

○王廣心 字伊人江南華亭人順治己丑進士

先生經義辭鏗鏘績時作駢體而韻評踈暢條達不以一律拘賢者故不可測也

送董蒼水遊楚南

先朝直節董侍郎。鋤奸拜杖投南荒。百粵

山川恣吟嘯。至今巖壑垂光芒。康樂登臨

千載絕~~不~~格黯淡離江咽鐵城銅柱漫崔
嵬木客山猿自清切侍郎之後君也才文
章早譽黃金臺時無孔融不薦士天人三
策空歸來丈夫壯志凌八極越水吳山傷
偏仄瀟湘萬頂九疑煙我有愁心蕩空碧
興來還看鬱林山八桂堂深客思閒豈惹
曉風啼翠羽梳櫛殘照落烏蠻其間仕宦
都賢者酌酒論詩袖堪把銅鼓峰前意懷

慨綠珠渡口人瀟灑勸君莫過柳侯祠少
年失足良可悲勸君莫謁伏波廟七十據
鞍達者謂人生功何必勤昆吾鼎貴何必
入中書堂淋漓翰墨飛夜郎如君侍郎名
亦章采罷丹砂好歸隱與君谷口語農桑
非貶柳州伏波勸其勿躁進勿意勛
名也前輩立言每不以領而以規
大梁行送林平子

燕山四月槐雨涼酒徒擊筑官道旁驪駒

欲鳴慘將發爲君慷慨歌大梁大梁昔昔當
全盛日裂土苴茅建宗室魏殿旌旗北斗
翻汴宮花石城東密定王憲王皆好才樊
樓窈窕東堂開誠齋舊帖龍文寫樂府新
題鳳管催黃河如帶滎天闕舞榭歌鐘幾
時歇兔苑賓朋白雪樽鵬絃士女金梁月
中原千里接神京叔父勤王更勤銘雞犬
願隨淮桂若魚龍忽歎蔡河平一朝風雨

金隄決殺氣蒼茫鼓聲絕龍章十葉赤帝
孫卻並銅人水中沒滄桑變易八九年我
來欲渡愁無船官闕崩頽半深澤狐狸踉
跳空荒烟偶逢遺老驅豚出端禮門中招
共入銀樓藻井符帶穿玉鈔螭頭土花澀
因言此殿西北隅飛廉九仞凌清虛濁河
波浪埋不得依稀繡栱臨椒除我登蘭雪
軒更倚端清閣空梁天矯陷盤龍古柏陰

森少調鶴。下尋石洞風條然。黃塵不到秋
光先。雲英既死。梵燈滅。誰從此地求神仙。
嗚呼此景當年識。近日傳來更蕭瑟。華棟
都輸少府錢。碧甍盡入空王宅。河山君到
莫重論。良嶽吹臺總不存。但得晴天看少
室。短衣落日過夷門。大梁白流冠。決河灌
城後。王孫俱爲波臣
臣民可知矣。登高眺覽百感茫茫。而以
看少室。弔侯嬴作絳。想見作者胸次。

懷友

昔日燕臺側。相爲踏雪歌。君恩移白日。
鄉信斷黃河。蘭蕙秋偏歇。風霜晚較多。短
衣吹感築。獨奈歲寒何。

長日邀陳昌箕。魏惟度許九日周金

山小集依韵酬陳昌箕

偶與仙翁草閣期。清尊拍石簾。畫樓遲才名
不忝三君後。人物能談萬歷時。綺季行藏
巖桂老。少陵家國任鶻知。可堪日暮山陽

箭淚落江城自詠詩

送向西崑使蜀

廿年不到西川路。捧詔今看使者行。亂後

草堂江燕存。春來劍閣杜鵑鳴。橋邊舊蹟

懷司馬山下新祠。孔明尚有焚香諸父

老。相持杯酒話消兵。中兩聯俱用古人前用虛寫後用實寫

不覺其犯

直方夜過憶臥子談詩

偶逢宋玉過西鄰。把酒重論故國春。一櫛

早懸陳仲舉。九歌親授屈靈均。衣冠白社

沉秋草。賓客黃初散洛塵。醉裏寒星空自

數。天門騎尾竟何人。直方即宋轅文見談詩之旨同而立身立

各各行其志也當於言外息之

王庭字言遠浙江嘉興人順治己丑進士官山西布政使。五言詩

絕如韋蕪州不欲以夢問才力勝人

棧道中作

人行山上高天在山中小圓暉易沉夜初
陽遲報曉馬走山樹巔飛鳥出其下雲連
深洞迷石拔危橋架七盤非險途三秋足
清景日夕留泉聲誰能辨喧靜

雨後

落日殘雨餘林樹半昏黑南山白雲閉澗
然見秋色冷風何淒淒微野煙息歸巢
鳥更鳴高戶蟲還織惆悵獨坐時悠悠思

何極

此詩淡然
不著痕迹

潼關

關門高鎖處飛鳥不能過雉堞連群嶂風
標俯大河代更干戰少勢在一夫多入夜
聞刁斗軍聲壯若何

曉雨

獨鳥鳴南園曉來雨初息空庭生秋陰莓
苔長寒色此

○周體觀字伯衡直隸遵化人順治己丑進士由翰林歷官參議道著有

晴鷓

秋螢和韻

振羽知無力。疎狂亂客扉。低空不碍暝。違
候亦能飛。露濕流光淨。宵行抱影微。不憐
秋色裏。相映亦暉暉。暉暉亦能飛五字可味

大報恩寺逢友蒼言別

正爾未能別。相逢暮景斜。久疎因飯客。多

病欲辭家。夜雨洗山骨。殘春落澗花。祖衣
林早付。待我過棲霞。

人日次徐州

泗上逢人。比長亭許。更過春雲回。白首客
夢度黃河。舊俗淮南異。前賢沛國多。至今
小兒女。猶唱大風歌。

撥棹雜詠

不見當年劉克猷。西風吹淚過黃州。舊時

江路能來否。落日招魂古驛樓。讀此使人增交誼之重

○盧 紘字元度。胡廣新州人。順治己丑進士。著有四照堂集。

望遠曲

明知人不歸。日日樓頭望。人尚在天涯。只疑行陌上。陌上紅塵逐日飛。何曾塵裏見人歸。經春歷夏無消息。檢點秋風又寄衣。
○周茂源。字信來。四南華亭人。順治己丑

嶺南以刑部郎刑部節雪苑有山人得罪別駕欲加以刑山人諛言秋部執友冀緩其責實未嘗謀面也別駕謂周問之答曰此余好友山人得無恙一時推為長者

過張文忠故第

賜第松臺麓。元臣主眷優。天章懸廢閣。相印沒荒邱。議奪千官氣。身無十世謀。立談王巷遇。何似富民侯。
此弔張江陵相也。江陵交馮保。逐新鄭。是其罪。鎮服九邊。名實不混。是其功。神廟如則尊。如父師。過于罷後。至削籍破家。

又過千薄詩中江陵之氣談神廟之回
惑一一傳出未以張禹之柔媚得君作
觀江陵功
罪俱見矣

雨中諸子集子機山別業

樵採閑時學苦吟身如越鳥戀平林
偶然花月春江夜共此蕙蘭秋水心
山市酒罈兵後少草堂詩句雨中深
沈沈鐘梵聲俱寂橫笛還吹激楚音

許績曾字鶴沙江南華亭人順治己丑
進士官滇中按察著書有寶繪堂

集

遊峨眉山歌

伊昔披山經峨眉冠五嶽傑然鎮坤維
蒼翠萬仞削初疑字內無此奇今日所見更
過之乃知天地靈恠不可測生平游覽快
意無如斯既躡飛龍嶺還登歌鳳臺狂客
已長逝真人不復來丹爐火冷鶴駕遠譚
經石欄生莓苔一步一驚詫十步一徘徊

上有排空疊嶂翠欲滴。下有飛泉百尺聲。
如雷。巉巖鳥道崎嶇入天門。一隙雲光白。
八十四盤最上頭。婆娑萬樹清陰碧。探帝
座。凌丹。正白雲。飛揚長風颭。冽積雪。如巖
穴。凜颼披重裘。俯視岷江萬里蜿蜒僅一
綫。蜀山千點參差羅列兒孫儂。花爲優曇
色。鳥作迦陵聲。天香夜不散。法鼓晝長鳴。
金輪忽上震且摧第一。赤髭白足靈機妙。

道真難名。須臾報道佛光現。蒼茫雲海蒸
奇變。爛似慶雲暈。若虹林巖五色增。慈情
金橋瓦兀駕。虛空彷彿珠眉紺髮容。忽然
雲散光亦滅。惟有朝暾蕩漾倒掛金芙蓉。
睽此靈異境。神魂欲飛越。遠勝赤城梁。何
數蓬萊窟。吁嗟蜀道之難難。於上青天幾
人能到。峨眉巔。仙都佛國盡在此。請君莫
惜多留連。
飛騰成沒後半尤爲荒
句支空可云善學太白

睢陽行

大江之南多木客。古樹深篁叢窟宅。禹鼎
銷沉老魅驕。野火遊光兆形魄。謔謔出出
逞神奸。空梁夜嘯霜天碧。年年里巷攘魚
腥。逡巡社公常避席。有時幻作美丈夫。烏
帽猩袍服御都。山魃按拍斑狸舞。桂棹蘭
橈泛五湖。采蓮女兒樊素口。木下三郎求
配偶。寶馬雲駢天際迎。傾城鬢笑供箕帚。

從此民間勤報賽。燿火却村疑爨。譔豪門
娶婦亦危疑。先奏神絃羞沆瀣。楞伽廟貌
更崔嵬。繡幕珠簾香漢開。蘭堂處處笙歌
競。綵鷁朝朝鼓吹來。畫屏廣列夫人坐。清
揚妙相垂嫵隨。祝史乘機龍斷張阿母。新
來口侈咳二吳。今古如長夜。狐鳴篝火騰
欺詐。蚩出不復畏。三章豚蹄斗酒來。神赦
更有紅裙白面郎。踏青拾翠遊芳塘。長吏

催科百不應。賣得新絲往上方。數百年來
尚奸宄。江河日下誰能止。淫昏牲醴埒。烝
嘗。跛覲妖巫。麇羊豕龍虎。真人道行高。檢
校功曹山鬼號。頻年火一到江左。擲偷坑
惕如弁髦。睢陽學士金閨彥。夜深常侍明
光殿。金符大旆挾風霆。冰心苦節緩南甸。
長空朗月照江濤。於菟出走蒼狼逃。木石
之恠。瓊罔兩。猶向人間索五牢。中丞飛檄

榜通衢。沉其土。偶廬其居。故鬼才于新鬼。
竄陰霾。掃蕩天清虛。君不見狄梁公。西門
豹。水沈三老焚祆廟。又不見旌陽尹。昌黎
伯。斬蛟驅鯉服以德。從來忠信孚豚魚。千
秋敦史銘金石。公今入朝帶劍履。前席殷
勤報。天子。雨書赫濯神祇驚。日麗中天
民受祉。有道之時。鬼不靈。當今海內兵如
此。叙睢陽湯文正公除五通神事淋漓揚
快言之。未歸到有道之世。其鬼不靈尤

極正大。龍虎真人以法驅之轉受柳
揄得此一襪接入。洪公倍覺有力。此文
章烘襯
法也

○沈

奎

字貞蕤。江南華亭人。順治壬辰
賜進士。第三入官。至禮部侍郎。

即論文格。著有文齋集。○明宣德時
雲間有二沈。學士大學士。名度。小學
士。名察。皆以善書得名。文格小學
士。後也。亦以書法見重於聖祖。

送雪龕兄任保寧

最憶閣中勝。雲山到眼迷。地從巴水折。天
入劍門低。夜月桐花韻。春風杜宇啼。池塘

應有蕩。鄉思更淒淒。括字低字
插鍊得之

送張貴山學士歸廬陵

襟被蕭蕭出鳳城。觚稜回首重人情。片言

豈謂回天力。三宿仍辭去國名。聖德優

容逾格外。臣心忠盡本生平。曲江風度應

相憶。莫戀空山猿鶴盟。三四語傳出直臣
去國心事。此風人

之旨。特標小
夫未喻此也

湯斌字孔伯。河南睢州人。順治壬辰
進士。康熙己未。召試博學鴻儒。

詞官至工部。出書乾隆中。補正
有潛菴集。是傳以詩存人。不以人
存詩。故有建豐功業。請明理學。而詩
不存。皆文正為國朝第一流人。所
韻語。龍流。溫溫。講藝。海
為德人之言。因坐登之。

夏日詠懷

初夏朝氣清。綠陰映竹閣。好鳥時來集。微
風散林薄。養疴豐暇日。坐臥對雲壑。圖書
紛几席。茗椀常間錯。偶爾屬篇章。怡情志
簡略。採藥支短筇。尋泉踏芒屨。豈曰謝浮

榮明志。貴澹泊。抗心懷古人。蕭然有真樂。
贈李映碧先生

蚤年登朝宗。端笏拜彤闈。抗疏表孤忠。旭
日麗黃龍。維時甘陵部。南北勢相違。正色
兩不阿。嶽嶽世所希。元祐盛名賢。黨論多
是非。玄黃未息戰。國是將安歸。唯有哲人
在。秉道還識幾。石室留諫草。夢回尚依稀。
曾國遺經火。口傳賴伏生。九十秦博士。典

謨賴以明文獻。歸靈光斗杓示景行。著述
 藏名嶽。大義何崢嶸。虎觀待鴻儒。丹詔下
 江城。老年難走趨。豈敢抗弓旌。抽書授使
 者。卷軸滿巨籟。白雲封岩谷。時聞鸞鳳散。
山徵召而未出者不言秉節而云老
 年難走趨即杜陵聖朝無棄老病已
 成翁意頌
 如此立言

送李子德奉旨歸養

前門疎雨淡秋陰。惟爾斯行重古今。賦就

上林纔賜策。表陳東掖早抽簪。關河落照
 鄉山迥。驛路鳴蟬野樹深。到日高堂應戲
 綵。御香未散繞衣襟。

飲張尔成少参署中

高齋竹柏漏聲殘。促席停盃興未闌。千里
 風塵驚短髻。十年供奉憶同官。霜深衛水
 雲帆壯。雪滿天雄玉座寒。北斗共瞻新氣
 象。故人幾許在長安。

贈吳湖州

仙郎起草最知名，幾載褰帷雪上行。按部
雨餘香稻晚，課農花發曉雲輕。南宮書畫
添新譜，李相亭臺續舊盟。聞道賓朋常滿
座，清尊真見古人情。

程可則

字周暈，廣東南海人。順治壬辰會試第一，官兵部職方郎中。終翰林知府，著有海日堂集。淳泰詩俊偉，騰輝光熊亞於漁洋。公在公藏玉虹鏡，為謬公之右。稱曾德者，惟西樵乎。後之更堪奇詩者，祇取此。

梁陳而不及程何也

送家立菴太常歸皖山

好爵洵可貴，不貪良獨難。道德五千言，止
足為真詮。漢時二疏志，千載稱大賢。豈不
念蒼生，身遂名亦全。象齒何為焚，膏明將
自煎。因君振遺策，懷古心悠然。

昔登白玉堂，文彩何郁郁。胄子承風規，諸
儒稟芳躅。出持絕域節，入奉齋宮錄。一身

為千秋此事亦已足。浩然思故鄉。懸車返
初服。浮山七十峰。依稀作湯沐。辭達意足
五言正始

送邵橫菴之秦中

五月火雲燒幽州。大風驅之雲不流。昨夜
雨來不盈掌。山鬼叫嘯農為愁。遠聞秦中
黑霜下。花作蠅蠅飛滿野。秦人瘠畏越人
視。君今西去胡為者。道是終南山色佳。四
時衆壑鳴風雷。蓮化百丈青。到眼騎龍直

上昇仙室。君家昔人東陵老。種瓜卻解塵
纓早。我欲隨君問故侯。何由共踏青門道。

送楊鄂州臧方使安南

皇帝在位閱七載。九州四海歌太平。烏弋
黃皮稟漢朔。旅獒越雉來周京。安南君長
處炎徼。北面久已輸忠誠。前年璽書予封
爵。吾宗學士曾南征。立歸來陳風對宣室
為言此地無兵爭。鸚鵡魚遊浪泊水。菴羅

果熟安陽城今年羽書忽馳至。族類不合
仇相傾。蠻王更制略。下邑都尉。倔強投昆
明。馮陵三郡。勢莫敵。女無緜繭。男無耕觸
蠻之間。豈足計。祇憐蹂躪。憂蒼生。相如諭
蜀有往事。詔旨特簡才。臣行職方。亭亭
起三楚。鬚眉如戟。雙瞳晶。昔年執法昆彌
道。近襄九伐。屹崢嶸。大臣推轂。立名見一
至尊。御殿親書名。天語殷勤。勞四牡。一

時歲迭來。公卿雙旌翹翹。出北朔。八座赫
赫。過南荆。乘秋直入交州郡。雕題負弩。遙
相迎。憑君片言。諭大義。調和二氏。無佳兵。
功成上書報。天子不用京觀。封長鯨。伏
波銅柱。貌千歲。壯哉爾與同英聲。嗚呼男
兒。萬里遠遊志。亦足不爾。踟躕踟躕。虛吾
生。

以天語調和兩氏自應焯焯煌煌言出
觸之聞豈足計祇憐蹂躪憂蒼生是尊
崇國體仁
西復無外語

送紀載之備兵肅州

萬古焉支路迢迢欲上天送君持漢節吹
角去防邊問俗清西海題詩發酒泉羌戎
群下拜不敢向居延不必奇崛自是唐音

送家立菴學士冊封安南

自昔南交地密煙萬里餘地經和仲宅人
習素王書。桓溫分藩舊置茅錫命初頒令
知漢大不必問金車

送徐庾清錢相園歸越

良會竟難求誠寒人盡歸誰憐故鄉子獨
采南山薇把酒不終夕浩歌徒攬衣無能
挽舟楫惻惻拜斜暉此種風格最近徐昌谷不在語句之工

登虔州城樓

鬱孤臺畔暮煙空與客登臨起大風馬耳
群山歸睥睨虎頭全郡攬崆峒江通閩楚
三千里地誇東南百二雄十載樓船紛下

瀨兵戈今喜罷虞中

送魏子存同李成都

誰說蠶叢不易行。春風三月馬蹄輕。銅梁
舊枕秦山險。玉壘新連楚塞平。芳草綠齊
過漢水。杜鵑紅盡到縣城。知君篋底多詞
賦。諭蜀文應似長卿。

花朝同林坦菴諸子集王蔭菴誰園

餞談遠懷之京口次留別韻

宿雨連雲擁去舟。送君還與鸚鵡裘。酒香
滿座難成醉。柳色依人欲上樓。偏與花時
繁遠夢。豈知道社得新愁。東風萬里憐芳
草。一路題詩到潤州。晚唐佳句

贈衛醇谷

弱冠登壇已策勛。門多揖客重將軍。高秋
賭射盤生馬。靜夜焚香檢篆文。一日君臣
真異遇。五陵兄弟自同群。揮毫試擬鄱陽

國朝詩別裁集

卷二

五

帖四座爭傳白練裘

國朝詩別裁集卷二終

